


Ni Presidente
Thomas S. Monson



Tumakder a kas Maysa a Silaw

Naaddaanak iti gundaway a dumar-ay iti adu a parambak iti kultura a naangay a kagiddan dagiti panagidaton kadagiti templo. Paggaayatko amin dagitoy, agraman ti kaudian a maysa a dinar-ayak idiaiy Phoenix, Arizona, USA, itay napalabas a Nobiembre.

Dagiti agtutubo a Santo iti Ud-udina nga Aldaw a nakiraman kadagiti parambak iti kultura ket nangidatagda kadagiti nangayed ken nakallalagip a programa. Itay napalabas a tawen idiaiy Phoenix, kalpasan laeng ti parambak, imbagak kadagiti rimmaman, “Dakayo dagiti annak ti lawag.”

Kayatko a maammuan ti amin nga agtutubo ti Simbaan nga isuda dagiti annak ti lawag. Iti kasta, addaanda iti pagrebbengan nga agbalin a “kas silaw iti lubong” (Taga Filipos 2:15). Addaanda iti pagrebbengan a mangibinglay kadagiti kinapudno ti ebanghelio. Addaanda iti awag nga agtakder kas beacon ti templo, a mangyanninaw iti lawag ti ebanghelio iti umad-adun a nasipnget a lubong. Addaanda iti rebbengen a mangpatalinaed a narayray ti silawda ken sumsumged nga agrimrimat.

Tapno agbalintayo a “pagwadan dagiti mamati” (1 Timoteo 4:12), datayo mismo ket mamati. Nasken a maaddantayo iti pammati a kasapulan tapno agbiagtayo a naespirituan ken agbalintayo a silaw kadagiti dadduma. Nasken a taraonantayo ti pammaneknektayo agingga nga agbalin daytoy a natibker nga angkla iti panagbiagtayo

Maibilang kadagiti kasamayan a wagas a pakagun-odan ken pakapagtalinaedan iti pammati a kasapulantayo ita

ket ti panagbasa ken panagadaltayo kadagiti nasantuan a kasuratan ken ti masansan ken kanayon a panagkararag. Kadagiti agtutubo iti Simbaan, ibagak, a no diyo pay inaramid daytoy, ugaliyeno itan ti inaldaw a panagadal kadagiti nasantuan a kasuratan ken panagkararag. No awan dagitoy dua a kasapulan a panagsanay, dagiti impluensia iti ruar ken dagiti naulpit a kinapudno iti biag ket mabalin a manglidem wenno mangpuyupoy iti silawyo.

Saan a nalaka dagiti tawen ti kinaagtutubo. Dagitoy dagiti kangrunaan a tawen a pangsulisogan kadakayo ni Satanas ken aramidenna ti amin a kabaelanna a mangallilaw kadakayo manipud iti dalan a mangiturong kadakayo nga agsubli iti nailangitan a pagtaenganyo. Ngem no agbasa ken agkararagkayo ken no agserbi ken agtungpalkayo, maammuanyonto a nasaysayaat “ti silaw a mangraniag iti kasipngetan” (DkK 6:21), ti Pagwadantayo ken pigsatayo—a kas ken ni Apo Jesucristo. Isu ti Silaw a pagkaptantayo tapno mapapanaw ti panagummong ti kinasipnget (kitaen iti 3 Nephi 18:24).

Babaen ti kinaadda iti napigsa a pammaneknek maipapan ti Mangisalakan ken ti naisubli nga ebangheliona, addaankayo iti adu a gundaway nga agraniag. Palawlawandakayo iti inaldaw, iti ania man a kasasaad a pakasarakanyo iti bagbagiyo. Iti panangsurotyoyo iti pagwadan ti Mangisalakan, addaankayo iti gundaway nga agbalin a silaw, kas iti dati, iti biag dagiti adda iti aglawlawyo—kamengda man ti bukodyo a pamilia, kaklase, katrabaho, am-ammo man, wenno napeklan a gangannaet.

No dakayo ti silaw ti lubong, marikna dagiti tao iti aglawlawyo ti naisangsangayan nga espiritu a mangguyugoy kadakuada a makipulapol kadakayo ken mangsurot iti pagwadanyo.

Ipakpakaasik kadagiti nagannak ken lider dagiti agtutubotayo a tulonganyo ida nga agtakder a sititibker para iti kinapudno ken kinalinteg. Tulonganyo ida a mangilukat a naan-anay kadagiti ruangan ti panagsursuro, ti pannakaawat, ken ti panagserbi iti pagarian ti Dios. Padur-asenyo kadakuada ti pigsa a mangliklik kadagiti pannulisog ti lubong. Ikkanyo ida iti pagayatan a magna iti saguday ken pammati, agbalin a managkararag, ken kumita iti langit kas agtultuloy a tibkerda.

Kadagiti agtutubotayo, ibagak, nga ay-ayatennakayo ti Nailangitan nga Amatayo. Mariknayo koma met ti ayat nga adda para kadakayo dagiti lideryo iti Simbaan. Maaddaankayo koma iti tarigagay nga agserbi iti Nailangitan nga Amayo ken iti Anakna. Ken kanayon koma a mangnakayo iti kinapudno ken tumakderkayo kas silaw kadagiti annak ti Dios.

PANANGISURO MANIPUD ITI DAYTOY A MENSAHE

Paglilinnawaganyo kadagiti sursuruanyo no ania ti kayat a sawen ti agbalin nga “[anak] ti lawag.” Ania dagiti pagrebbengan a kasapulan daytoy? Mabalina a paglilinnawaganyo dagiti panawen a naraniag dagiti silawda ken no ania ti nangparaniag iti daytoy. Idawat kadakuada a mangpanunot iti maysa a tao, kas koma iti maysa nga agtutubo, katrabaho, wenno miembro ti pamilyada, a mabalina nga agkasapulan iti silaw. Kalpasanna, mabalinyo a sangkamaysa nga ikararagan maipapan iti maysa a wagas a pakaibinglayanyo iti silaw iti dayta a tao.

© 2015 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/15. Pannakaanamongna a maipatarus: 6/15. Pannakaipatarus ti *First Presidency Message, August 2015*. Ilokano. 12588 864

AGTUTUBO

Lawag ti Silaw

I|suro ni Presidente Monson a dagiti agtutubo ti Simbaan ket “addaanda iti awag nga agtakder kas maysa a beacon ti templo, a mangyan-anninaw iti silaw ti ebanghelio iti sumipsipngeten a lubong. Mangted isuna iti sumagmamano a wagas a pakaaramidanyo iti daytoy:

Ibinglayyo ti ebanghelio

Mamati

Papigsaenyo ti pammati

Agbalinkayo a silaw iti dadduma

Taraonanyo ti pammaneknekyo agingga nga agbalin

daytoy a natibker nga angkla iti biagyo

Agkararag ken agadalakayo kadagiti nasantuan a kasuratan

Masansan ken agtultuloy nga agkararagkayo

Agserbi

Agtungpal

Ikkanyo ti grado iti bagiyo manipud 1 agingga iti 5 iti tunggal maysa kadagitoy a tay-ak. Para kadagiti tay-ak a nababbaba ti gradona, mabalina nga adalenyog dagitoy a topiko iti nasantuan a kasuratan wenno sapulenyog dagitoy iti LDS.org. Kalpasan a naadalyon dagitoy a topiko, mabalinyo ti agpanunot kadagiti wagas a pakapapigsaenyo kadagitoy a tay-ak ken mangituding kadagiti panggep a tun-oyen a mangaramid kadagitoy.

ANNAK

Ibinglay ti Silawmo

Kas maysa nga anak ti Dios, sika ti anak ti lawag. Makagun-odka iti ad-adu pay a lawag babaen ti panangsuotmo iti Mangisalakantayo, ni Jesucristo. Ay-ayatennaka ni Jesucristo ken ti Nailangitan nga Ama ken kayatdaka nga agraniag kadagiti dadduma ken mangiturong kadakuada ken ni Cristo. Makapagraniagka a siksika laeng no surotem dagiti bilin, kas panagkararag ken panagdal kadagiti nasantuan a kasuratan. Mangidrowing iti sumagmamano a bituen iti maysa a papel ket ikkam iti label dagitoy kadagiti kapanunotan maipapan iti no kasano a makapagraniagka kadagiti dadduma kas maysa a pagwadan ni Jesucristo (kas pagarigan, “ipapan iti simbaan,” wenno “panangtulong iti pamilyak”).



Pammati, Pamilia, Tulong

Dagiti Kababalin ni Jesucristo: Naemma ken Napakumbaba

Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawatyo iti biag ken mision ti Mangisalakan ket mangpapisga iti pammatiyo Kenkuana ken mangparabur kadagiti ay-aywananyo babaen ti visiting teaching? Para iti ad-adu pay nga impormasion, mapan iti reliefsociety.lds.org.

Daytoy ti paset ti maysa a serye dagiti Mensahe iti Visiting Teaching a mangitampok kadagiti nadiosan a kababalin ti Mangisalakan.

Kinuna ni Jesus, “Ti dakdakkal kadakayo, isu koma ti kasla basbassit; ket ti agturay isu koma ti kasla agserbi. Ta asino ti dakdakkal, ti sumango iti panganan, wenno ti agserbi? saan a ti sumango iti panganan? ngem kadakayo siak ti kasla agserbi” (Lucas 22:26–27).

“Ti Mangisalakan ket isu ti naindaklan a pagwadan ti bileg ti panagpakumbaba ken kinamanagtulnog. Kalpasan ti amin, ti panangtulnogni iti pagayatan ti Ama ti nangyeg iti kadakkelan, ken uray pay ti kabilgan a pasamak iti amin a pakasaritaan. Nalabit a sumagmamano kadagiti kasagraduan a balikas iti amin a nasantuan a kasuratan ket ti laeng, ‘Saan koma a maaramid ti pagayatak, no di ti pagayatam’ (Lucas 22:42).”¹

Kas disipulo ni Jesucristo, kalikagumantayo a kanayon ti agbalin aa kas Kenkuana. “Ti kinaemma ket napateg unay kadatayo tapno agbalin nga ad-adda a kas ken ni Cristo,” kinuna ni Elder Ulisses Soares ti Pitupulo, “No awan daytoy saantayo a kabaelan ti mangpadur-as kadagiti napapateg a saguday. Ti panagbalin a naemma ket saanna a kayat a sawen a kinakapsut, ngem kayatna

a sawen ti kinasingpet ken kinasyaat nga agtignay, panangipakita iti pigsa, talinaay, nasalun-at a panangipateg iti bagi, ken panagkontrol iti bagi.”² Iti panagtrabohotayo a mangpadur-as iti daytoy a kababalin, makitatayo a “ti napakumbaba a panagtulnog iti pagayatan ti Ama ket mangyeg kadatayo iti panagpabileg ti Dios—ti bileg ti kinapakumbaba. Daytoy ti bileg a mangsango kadagiti rigrigat ti panagbiag, ti bileg ti talna, ti bileg ti namnama, ti bileg ti maysa a puso nga agbitekbitik iti ayat ken pammaneknek maipapan ti Mangisalakan a ni Jesucristo, uray ti bileg ti pannakasubbot.”³

Dagiti Mainayon a Nasantuan a Kasuratan

Mateo 26:39; Juan 5:30; Mosiah 3:19; Helaman 3:35

Manipud kadagiti Nasantuan a Kasuratan

Maysa kadagiti kasam-itan ken kabilgan a kanito ti panagministro ni Cristo ket idi binugguanna dagiti saka dagiti disipulona. “Timmakder manipud iti pangrabii, ket inikkatna dagiti pagan-anayna; ket nangala iti maysa a tualia, ket imbarikesna. Kalpasanna nangibuyat idi iti danum iti maysa a bacca, ket rinugianna a bugguan dagiti saksaka

dagiti adalanna, ken punasanna ida iti tualia nga imbarikesna” (Juan 13:4–5).

Bayat ti panangyam-ammo ti Mangisalakan iti daytoy nga ordinansa, mabalina a natalipupos dagiti disipulo idi nagparintumeng ti Apo ken Maestroda iti sanguananda ket nagaramid iti napakumbaba unay a serbisio. Kalpasanna inlawlawag ni Jesus dagiti adalen a kayatna a sursuruenda ken sursuruentayo amin:

“No ngarud siak nga Apo ken Mannursuroyo, binungguak dagiti saksakayo; dakayo rebbengyo met ti agbibinnuggo kadagiti saksaka ti maysa ken maysa.

“Ta inikkankayo iti pagtuladan, tapno aramidnyo met koma kas iti inaramidko kadakayo” (Juan 13:14–15).

DAGITI NAGADAWAN

1. Richard C. Edgley, “The Empowerment of Humility,” *Liahona*, Nob. 2003, 99.
2. Ulisses Soares, “Be Meek and Lowly of Heart,” *Liahona*, Nob. 2013, 9.
3. Richard C. Edgley, “The Empowerment of Humility,” 99.

Ibilang Daytoy

Kasano a ti kaadda ti kinapakumbaba ket makatulog kadatayo nga agayat kas iti inaramid ti Mangisalakan?